



余鄉侯朝宗與南州徐巨源皆以名家子擅文章
之譽其才調同其風流倜儻終身不遇亦畧相同
獨巨源不得其死且子孫式微遺稿散失堪爲痛
惜余來南州三載始訪得其孫於別邑爲之娶而
卹其家從諸生朱子容重饒子炳搜其遺集之僅
存者讀之文則自陳伯璣所刻榆溪集外寥寥無
幾詩雖淘汰間有未淨而取材博用意遠不規規
於漢魏唐宋諸家而每窺其堂奧爰同兒至摘錄
授梓附榆溪文集以傳庶與朝宗同不朽云顧朝
宗之文海內無間言獨詩不能無遺憾此集出朝

榆溪詩金
宗實有所不逮巨源亦可含笑於地下矣康熙辛未冬十月商丘宋犖書

榆溪詩鈔卷上

新建徐世溥巨源

擬古

行行重行行今日新別離宿昔慕遠遊臨發步遲
遲巢鳥思雲翔臨飛戀舊枝在林忘天高出門知
路遠瀕行囑加餐使我不能飯從來不出閨送君
忽踰限望望不見塵車音下長坂

青青河畔草葳蕤夾道長君行經此道知君思故
鄉君思故鄉草我思園中葵採葵爲朝蔬思君遺
寘之我自傷心苦何必令君知

青青陵上栢長風振其柯巖谷響浩浩洪川起夕
波人生百年內歡笑時幾何白髮尋朱顏倏忽相
親摩但苦生年短日月非不多春夏秋冬春惟當
日酒歌

今日良燕會知交坐一堂上下兩相對五五坐兩
旁舒情極談笑小童行壺觴中筵半坐起有似花
低昂晻晻日已夕繼以燈燭光文章視興會功業
在富强且自極行樂無為撓中腸

西北有高樓迢迢出半空美人處其上垂簾何玲
瓏低頭如有思乃在天之東天東赤日出光正射
樓中舉頭欲望之奈此光晶融相望尚難見何時
得相逢援琴待明月徒倚晝忡忡

明月皎夜光照此孤鳴琴彈為別鵠操遠託飛鴻
音中曲怨零亂隨風聞四隣隣發來請觀借問此
何珍外黑象幽室中空含素心七絃數雖單五音
配成倫皎皎十三徽衆星朗然陳願為牛與女勿
為參與辰

冉冉孤生竹客言中樂材直節自上古伶倫昔所
裁既蒙知音賞敢與君子乖洞簫與橫笛會唯君
所裁當年未結耦不為鳳凰棲今幸霑拂拭素手

日提携所嗟捐枝葉發聲每含悽

迴車駕言邁言之京與雒故人多通顯未知今厚
薄鏡顏有盛衰一身難自度何況他人心與我本
殊膜遠遊值佳辰興感倍消索君子不竭交且歸
肆行樂

客從遠方來遺我萬言書欲獻區區忠君門萬里
餘萬里不云遠恐厭萬言長上書不竟讀何殊委
道旁一言倘見察甘之首山陽

詠懷

二儀列卑高一氣涵終古日月始生時人天可共

語古民烏知漁華胥初試罟在山誰始樵丁丁燧
人斧大聖日有作靈業被區宇八畫旣已陳天缺
安可補

大撓未作曆其民若椿莫草木遞榮替天皇已萬
齡甲子編支幹人乃有死生當其溟滓時孰爲殤
與彭烈山咀藥後醫厲更相爭

標榜咎厨後黨議謂由茲吾聞元凱目已在高辛
時重華去我以何由就陳辭獨斷舉良族黜幽就
禦魑明穆虞帝庭安得不垂衣

臨岐與妻約待我廿五年英雄握長筭壽夭不問

天杯酒舒霸氣避舍讓中原忽爲窈窕屈降服羸
女前倚秦不恃楚剛柔各有權向非天成人無乃
多失言

年往諒難少日昃豈再中煦煦衰周史挽世向鴻
濛著書未忘言用意良亦工答孔名已立遇尹術
豈窮藏尾始疑神留迹豈傷冲滅影流沙去所以
稱猶龍

送劉士雲浙遊

昨夜秋風渡江曲黃葉相追下平陸荒垠沙淑鷓
鷓宿游子愁見江水綠瀝酒舟前悵不語輕風颯

颯吹衣舉詩卷衣囊誰重輕舟頭橫截西山去西
山代我一送君楓樹林中多白雲桃花已過楓都
赤若向天台又問津

漑園訪萬茂先

名園遠在漑湖東行到沙潭晚斷紅策杖人投楓
葉裏敲門犬吠月林中花間引路燃杭穗酒後巡
欄犯草虫明日薔薇應滿院宵分暫聽野烟籠

宿漑園早起

酒醒衾寒不憶家五更清論徧生涯風聲忽動前
岡樹雨氣勻催昨夜花蜂競穿鬚環架鬧燕輕翹

尾蘸波斜東西南北都垂柳織就簾紋亂綠加

別萬茂先還家

不移瓶硯與琴箋累日西牕事事便暗葉香中斟
別酒明沙渡口過漁船千林布穀唳紅雨一路新
苗起綠烟歸去卻添惆悵意燈花詩草記今年

牡丹詩

三月五日朱文選集余因過鄧將軍談到遲同楊機部陳士業諸公分韻

淡雲搖處綺霞屯香國樓臺影作却餘濕未勻朝
浣面春寒留護夕陽魂筵張新月斜聯袂燭帶三
星迭舉罇莫恨錦鞦遲好夢佳期自古待黃昏

小山亭

長兄構亭池中四面紫石名之曰小山亭落成屬賦

近結香茆值晚春牕開面面石為隣捲簾花入紅
驚座掃地風來綠起塵欹枕醉疑船上卧小橋閑
奏畫中身吾兄詩境佳如許何處池塘草不新

羣峰咫尺盡嵯峨池上看亭遠似荷欲雨依然雲
觸石微風也復水生波蒹葭宛在秦人屋桂樹看
成楚調歌莫話淮南雞犬事至今招隱不如他
元水歲暮自豐城歸初欲之金壇及四日得

扎知改往金陵

去歲豐城雪後卮曾憐旅况不相宜纔看玉燭三
行曆悔作金沙萬里詞鷗鷺春聲隨地改魚龍夜

色爲君遲江南江北梅花曲吹徧雲天欲晡時

人日送陳元水之金陵庚午

正是東風七日天草堂薄醉又經年已巳人日與元水飲於草

堂雪分浦色初知岸晴破江寒未散烟鐵騎頻關

孤驛夢金陵好寄遠游篇蒼茫詩思斜陽裏無限

離愁付短弦

送余小星遊浙小星同士雲遊浙後芑孫兩日而發余時居湖上

何事南颺送客多經旬三度唱離歌輕帆已指蕪

江路雙槳還尋海溼波野照鴉殘遙似葉湖天鳥

下不勝荷風扉自掩成孤坐涼月紛紛掛薜蘿

辛未春中重逢晏山人彈陽關操

一別麻源酒幾傾支離已見二毛生十年風雨陽

關曲今日重聞第四聲余年十四從山人學彈陽關操未竟山人復遊建武

至是始歸已十年矣

幾多哀怨在殘絲猶是當年樂府詞差比杜陵春

恨淺龜年更值落花時

携晏山人過喻京孟花亭操平沙落鴈

湖上桃花花外楹客來無語坐湖亭似嫌乳燕多

輕薄故向春風作鴈聲

相逢行贈沈崑銅

漆留夜唱瘦郎曲汀鴻驚夢蘆雲綠扁舟寒入豫
 章城芳樹深簾影華燭新亭僖父不梳頭北斗當
 軒月未流春花秋露相思久今夕相逢且為壽野
 人不揖佳公子卮酒狂歌席前起我冠沈郎冠不
 著沈郎衣鷓鴣裘帶雪自羞腰肢肥朔風蕭蕭凍
 羽觴烏嗥太守垣外楊黃雲細細簷端覆清夜酣
 吟動華屋風來衣裾裊輕雲臨軒緩帶人如玉
漆留

敬者沈嘗有詩贈之故云

冬日閒居喜美周來訪

青青園中橘西風吹使黃時至氣自變豈待露為

霜丈夫及中年觸緒易悲涼譬如春堤女侶行亦
 心傷何況閉衡門幽獨守清光歲晏浮雲多日飲
 寒光旁脫帽仰將夕屢歎羈鴈翔好鳥忽羣噪占
 客來遠方視謁乃黎子驚喜亂趨蹌顧僮取我冠
 足已出中堂乍揖語難了鬚眉何暇詳積歲勞夢
 想明月窺我床文章交有神饑渴倍難量如彼孿
 生兒浴蘭即分張異室本同氣成人歸故鄉又如
 清河妹跣逐夜分航離魂倏來還靚服急迎將一
 語破愁寂千秋安可忘今日樂相見為樂殊未央
 魏雪子招同美周泛湖

比鄰尤愛信陵賢重得吹簫弄碧烟供客盤中蘇
圃莧移人花外米家船經過狹浦枝侵袂漾入空
明草泊天領取秋湖千百態攀荷笑拂露珠圓

送涂幼安還鎮海

以抗疏救黃石齋廷杖遣
戍戊辰過南浦來溪上訪

余

春雲漠漠柳花香城上驪歌慨夕陽萬里歸途經
虎豹三年客路變星霜餘生舊許酬明主全節先
教著夜郎司馬祠前尊酒罷懸知有夢報高堂

時寓

涂恭
襄祠

送陳元者之廣東

憶昔子從城北移溪南今復携家託寓榆溪東十
年相見不過百餘日如何比隣一水稀相從我行
中歲始解戀春色不學少時枯坐如老翁去年花
落是君遠行時溪頭春色淺深付君知及我携琴
挾硯來溪讀只有芰荷翻風向人吹始歎詩人聚
集良不偶安得常似酒樓王渙之渴蟬寒蠶亂鳴
蛩復秋誰知君復莪冠事遠遊丈夫因貧遠遊亦
足樂豈效紼袴醉飽守甌窶假令君有薄田數十
畝安能五湖四海鳴吳鉤

閨怨

妾顏如花紅妾淚如花落三春草生蝴蝶飛恨母
將儂嫁輕薄輕薄好遊冶出門不顧歸夫婿非商
賈年年遠別離妾非吏人婦常苦會夫稀會夫日
以稀紅顏日以老愁見門前楊柳絲風烟日日相
縈抱昔時纏綿亦如此不如烟絲長傾倒詎怨相
見遲所悔嫁來早淚落滿羅襦花落隨秋草細雨
風寒燈滅時暗中流盡知多少

懷熊麟西高士并招之

南郭茅廬隱士家先生坐處即雲遮幽眠閉戶知
星轍近肆垂簾識海槎雨後鴻過椽拂數風前鸚

立籜冠斜城中亦有叅玄客試向湖東採暮霞

送等公之淮上因附家信於南都

踏徧雲山四十年衝寒又放吉州船

等自吉來

如鷗泊

向生烟岸載月叅成不夜禪千里淮關風外葉半
江詩色雨餘天幾行修竹平安報笑寄支公拄杖
前

清江浦口船多少昨夜潮回到古徐

等公居淮口檀度寺異

國蒹葭隨岸改故鄉野藥帶霜鋤鐘聲不斷淮王
夢衲影還籠翟尉書聞道門前饑雀集煩師施與
鉢中餘

溪上寄懷

溪畔蘋生葉已齊，夢回猶似在橋西。
春明麥隴雉朝雊，日墮楊林烏夜啼。
織錦不知誰氏女，絃歌無乃杞梁妻。
相思容易簾櫳晚，彈罷箜篌月又低。

寒食

淒涼寒食走江村，野路葳蕤長綠蓀。
新酒一杯三尺土，香烟數縷百年魂。
松楸冢上悲曾祖，薜荔碑前列衆孫。
伏臘歲時家廟裏，何如親奠墓前樽。

清明戲占

清明雲意薄於紗，風未蕭條雨未斜。
犬與村童俱

戴柳鳥如游女亦窺花，籃携紅碧荒郊返酒罇。
甘酸近店賒，真是江南風物古。年年舊句滿隣家。

泛湖

綠堤閒放艇，湖水正盈盈。橋甕低花入，橈牙剔藻行。
洲迴成島嶼，林曲幻陰晴。各有忘機處，漁歌鳥不驚。

春晚訪等可不遇逢之龍沙水亭

坐間有妓

因尋瘦衲過香鬟，花下相逢如許閒。
妙舞低頭頻照水，嬌歌携手共看山。
寺鐘催客纔三發，沙月窺人已半彎。
不意今春游事好，陰晴處處破愁顏。

春日同劉小貞深公兄弟憩三洲亭

淺黃深碧帶人家坐愛陰雲變紫霞鶯濕乍翻留
雨葉鷗還誤觸受風花漁翁照笠今無恙稚子收
衣半有沙莫道春歸春事杳溪南草色際天涯
獨有斜陽態不窮貪看晚色到冥濛長堤漸隱千
層綠野店猶依一縷紅殘笛颺搖銜嶂月遠燈明
滅隔林風十年坐立多相似歸卧涼帷夢亦同

寄懷嚴印持

憶在湖南杜若洲逢君一曲漢宮秋雲扶雜樹籠
從碧烟帶空香汗漫遊徐孺亭前微雨散蘇卿圃

外夕陽收衆山五載餘清響何日朱弦起白鷗

立夏日吳君徽招集涉園有歌者

踏草覺春深聞蛙已春晚春歸人始知如何不長
歎宿昔好垂簾海燕來頻返搖搖千里心今夕臨
芳醖看風從何來吹人衣帶亂露深花氣濛雙鬟
簇青管曼響撩長空雲英盡如剪殘月柳間窺游
人起微眄自笑輕別離茲筵何繾綣

江上同蕭伯玉先生

同傍漁舟問酒家路侵殘草似春沙經風霜葉迎
人墮誤向鷗邊歎落花

秋思

山帳寒眠聽葉颺
楓林桂樹日蕭蕭
不知羈夢飛何許
風雨亭西十二橋

贈程信甫

歙人精於箕仙賦詩作書往往靈異信甫諸技術悉箕仙所授

遊徧鈞天帝所私
緱城常笑漢皇癡
玉簫且和雲璈曲
不向中峰看著棋

送李恭階北上補戎廕

送客楊花裏
春風不定飛驛途
方漫漫尊酒且依
依行色看袍彩
閨情約帶圍封侯
無限好只是莫忘歸

題榆溪草堂圖送王子野

紅葉陰中買小舟
飛來半在夕陽樓
誰家行客閒如此
剪取榆溪一段秋

牡丹

從戴初士刪字章字

名高九錫賜宮鬟
雉扇螭干擁出班
風雨卻為王灑掃
木奴花婢一時刪

幾色芙蓉并海棠
聲名占盡四時妝
廬陵譜記臨川曲
榮事從來在豫章

城間螢火同家仲作

尋春不減舊風流
向夕翩翩下戍樓
豈是絳紗千

萬點爭隨小杜醉揚州

不見春來桃李蹊
宵征時點芰荷衣
濠梁夜夜多遊子
每逐餘明間道歸

薄暮城樓似野村
慣依芳草送王孫
佳人細步長門裏
好向瑤階照履痕

銅雀臺寒漳水潰
香塵細雨寂紛紛
試到鄴城城下望
夜來猶似嫁靈芸

菴畫溪塔院綠公遣弟子修一餉
余斝茶送修一歸里并謝綠公

修公泊處浪花分
袖帶吳興萬樹雲
歸謝畫溪綠

長老祇今祧卻武尼君

送萬尊師之姑熟兼呈錢牧齋先生奉求宋集

嘯向吳山鶴背寒
雲旗高簇遠遊冠
芙蓉對舞開雙劍
若木斜披接釣竿
青鳥曾逢天上使
赤狐屢避袖中彈
經過北斗文昌府
爲乞琅函脉望看

社日送雪影上人之廬山仰天坪

霞鷺烟鷗不礙空
梅花亂入柳條風
五株攀折當春社
今日陶潛送遠公

春在沅陵午夢餘
烟生楚樹便爲家
瀟湘雪後逢

寒食又向鱸峰散鉢花

早秋送別李泰階守陴南湖

梧落章門江樹秋西風無數木蘭舟將軍直發南湖口一道笙歌二水流

南湖古岸洞庭邊蘆荻蒼蒼接楚天聞道當年醉李白采蘋秋水夜無烟

吟詩幾欲寄吳關絕壁扁舟夢裏還蘇子遺文清似月何時雙照石鐘山

行出樂華與李敦化野憩覓飲

尋山晝渴望烟奔及到青帘不在門荒店坐移高

樹影缺瓶沽徧蔓花村鳥巢廢邑紅塵斷馬放迴塘碧水渾回首虎符通傳日長安道路似開元

舟發吳城至九江

曉飯珠璣岸晡投老鶴塘孤帆越衆鳥劍影渡滄浪詎悉雲山態惟聞烟水香娟娟南浦月相趁到潯陽

丁爰大過別小飲留詩奉和

紅葉隨君上草堂片雲如客亦臨觴美人別路經春草游子歸心滿夕陽半嶺月生疑露白隔川沙起見風黃卻憐鴻鴈同知己容易分飛水一方

鎖江樓携杜詩覽讀納涼

有引

自琵琶亭址右數百步爲迴龍塔其左有
鎖江樓環江帶山因携詩舒眺

客路登高愛倚欄不知數轉立雲端關浮江漢樓
臺碧牕列匡廬几席寒爲意層峰應少雨卻忘古
樹下成湍閒携彩筆評詩史盤鶻飛虹盡俯看

將發潯陽步塔前遇鄉舟釀宴是夕從小池

口接歌妓侑酌

他郡餘酣步夕暉相迎交問舊漁磯塔鈴風定聞
僧語岸漿潮平羨鳥飛桃葉渡江還用檝竹枝沾

露又添衣浪遊何意逢歌舞半路鄉心與夢歸

蘄州城下對月

野雲片片逐烏還聽盡疎鐘岸柳間莫歎清輝減
前夕蛾眉欲畫鳳凰山

楚黃萬允康元咎見訪數日後有虔州之行

賦別

美人相見即相憐並醉湖光並似仙春事已過寒
食後客程催動杏花前看傳錦字三千句待譜朱
絲五十絃別恨又盈官渡柳西陵風雨接江烟

書黃鶴樓壁

萬里清風一羽衣
呂翁費叟是耶非
濛濛白屋連
漁艇點點蒼山傍
釣磯雲過居人同
似夢月明遊
子半思歸偶來何必留
名姓吹笛颺颺信鶴飛

楚謠

潯陽至驛左為鈔關
權使臨江丈船士人
楚行者類以小舟載衣
至龍開河易舟乃
行不然則權使槩以為商
矣楚經流寇數
擾之餘方麥熟耘稻時
又苦旱沿途據所
見聞兼用方言聯成絕句
隨地里風物以
紀游踪亦竹枝詞之類也

不是商船莫上關
新河寫換客如山
武昌祇索錢
三貫雙槳單裝任往還
一舟止載一人不附他客
謂之單裝新河即龍開河
也

龍開斜去到龍平
上水猶看百里程
風順蟠塘還
咫尺神鴉接食莫頻驚
自南湖入楚謂之上水因
從所發以為名也蟠塘有

吳王廟神
鴉接食

田家鎮上女如花
種竹青青織篔家
流寇近來三
過此空餘蒼艾隱
龜蛇

前頭九里十三磯
趁得東風好向西
此去黃岡還
百里散花料過是
蘭溪

前歲洲西蓬作舍去年蓬舍又燒亡客官莫醉巴
河酒猶恐團風是戰場

向西小縣半無城避寇纔歸又避兵村落如焚今

掠盡更無野哭與禽聲自斬以西人鳥都絕百姓
逃亡不敢復還三年前野

有哭聲近
并無哭者

經過金碧都成燼何處茅簷暮可投仙宰空王同

此劫歸然只有壽亭侯賊所過無問琳宮梵刹悉
燬之獨關廟則畏懼遠避

途中所存祠
宇皆關廟也

年豐那似荒年好生女生男總是孤穀賤無錢弭

急杖鬻兒終併了官租

弄舟原不論風潮下水南風便北搖梅子雨前梅

熟後紛紛打鼓賽魚苗楚人率以網舟隨風上下
漁魚子初出者謂之魚苗

杜詩云白小羣
分命殆指此

纔知許子真冠素不信明妃尚有村莫笑青裙妝

綠髮猶勝白帽賀新婚自龍平以上婦人青裙為
飾男子強半白帽雖族姓

慶賀亦
如之

麥花如浪遠搖星麥隴無人戴笠行見說婦姑都

不暇月明千里桔槔聲

鸚鵡洲東漢口西絲鞭挾彈盡龍衣相教出入須

邀伴莫被王孫打馬歸打馬亦
方言也

武昌還次九江再訪丁爰大未歸

扁舟重繫古槐根入郭尋香舊句存
穿圍暗塍曾似路對山曉市只如村
新秋鴈過人同郡老樹雞喧客到門
看竹又彈歸去操携琴待汝訪榆墩

春初梵音上人自番禺來訪喜得黎美周消息損詩貺硯旋往匡廬次答

嶺外曾懸十載心肯盤危磴入幽林
更持洞壑雲爲贈絕勝羅浮夢去尋
亂後喜聞雙劍合游還欲憩五燈陰
梵音相對談如海廬嶽從今有海音
座中賦得紅燭呈諸公

可耐紗籠任畫堂每逢歌舞即成行
臨風時學孤臣泪卻月頻邀上客裝
幾寸丹心隨地盡一編青史共天長
惟應巧笑迎吹滅錦瑟憑他戶外霜

香城訪李匡山先生

每望遙峰即憶君筍輿斜上路穿雲
行經澗石身頻側語雜谿風字不分
樹杪琉璃衝月現竹間鐘磬帶泉聞
繡衣掛節高居此應有諸天作護軍

古意

今日孟秋朔微涼爭殘暑日氣澹已白
荒荒照平楚向夕樵牧盡斜徑無人語
躑躅塚間狐蔽影搏

遺黍鬪髓盡餘氣冠帶向空舞倏忽鳴鳳來霹靂
隨之舉摧披華粲衣化爲白骨聚客有跨麟行雲
端揖相遇問此爲何誰死猶逢天怒在世不好賢
歿爲無祀主生時多欺謾魂觸豐隆斧客聞驚且
快拔劍笑栩栩俯謂世間人思過及時補

畏客

好風何事閉柴荆晝日風掀畫軸鳴欲趁幽閑成
撰述恐隨問答費陰晴花聲葉影頻相誤鳥啄童
敲莫浪驚靜看孤雲添晝永草堂一倍墨香清

題畫贈張纘緒

天
秋野明如水秋林暮少烟行歌踏紅葉策杖向青

春詞

花
不飲已如醉濛濛况日斜遠鐘殘夢後酒氣似梅

赤崦道中

葉
前山雨欲來空翠乍明滅樹樹作秋聲君聽在何

道中

落日半平野牛羊皆已歸樵聲風外至人影草中

榆溪詩鈔 卷一
微渴馬飲行潦倦翮帶殘暉西轡諒難淹曲道尚
倭遲

續夢

孤雲一片來飛作枕前夢中宵雨雪寒夢殘詩亦
凍夢爲琴上絃詩如絃上聲斷續了無際鐘期何
處聽

榆溪詩鈔卷上終

榆溪詩鈔卷下

新建徐世溥巨源

初製被

草宿三年鷺縮腳赴飲每稽至日落口雖不言內
自慚朶頤靈龜壽因殼有時轉筋祝木瓜東西拽
衿蟹郭索辟寒未學五禽嬉苦顫但憂六鰲弱夙
昔愛霜今畏之惟願村雞早呶喔今秋冬歸賣薄
田先置衿被後裝綿平生不足惟睡耳有茲又可
省酒錢公孫封侯不過此不待日斜已欲眠
雪日喜見徐奕開先生長歌行

遠海迴春色吹動芡溪船東風誤相繞櫓聲緩于
絃涉旬始泛章江汜汀洲橙老寒黃煙入門驚顧
天上客語笑未了已潛然主詠關山月客歌行路
難浮雲好宿仙人掌閭闔晦明無定端回首茫茫
疑隔世又如武陵秋夢殘曩者提抱兒亦已儼衣
冠升堂揖父執怡然問加餐蔬醎淹簾景聊以叙
古歡纒纒千萬言揮毫盈弱紈昔年舟楫亡魚素
今日神明還舊觀酒酣起舞悲歌興落日寒雲翳
古城南國兒童看老大漢家草樹又三陵諸公袞
袞淮徐道君獨栖遲古渡行廿年意氣徒爲爾亂
離因見朋友情君不見昨日炎風似海洲今朝雨
雪欲重裘急水東逝魚西遊烏唬雲暗何時休先
朝御史今白頭

廢寺

笑兀開林杪成遊似夢期古松無甲子荒院自辛
巳僧厭寂寥去人思締造時誰言興替事梵界亦
如茲

歌行

今我何爲天一方臨風不樂思故鄉春水日生河
遙遙美人起來日當心階下雞母將雛嬉攬鏡彷彿

相溪詩金 卷一
惶髮如絲持梳不語當知之

山夜感舊示逸羣侄

累夕未讀書殘缸碧于苔今宵重篝燈四壁欣影
來既貧習暗坐漸于膏火乖世亂鮮餘明乞隣况
寬諧憶昔在渝溪常有佳人偕艾子陳古義子千萬
君乃通才茂先瘦可與狂蘇棗堂僧等可與蘇桓武子也逸格出
曠懷當其譚酣時但恐晨鐘催而今各安在遺翰
委塵埃池館亦漫滅主人蜨荒崖亭亭兩白榆仙
者手所栽榆溪前塚古榆數本乃魏元君手植今無矣靈物尚為薪蓮
花何由開因之念宿昔無一不成灰惟餘總角侄

饑寒相守哀容髮亦蒼瘁甚矣吾將衰

秋暮過詰戎所

旗拂鴈足鴈相呼將軍迴去冷村墟曠野瘦樵荷
薪過碧天高曠行人孤將軍既歸日亦暮風捲飛
沙作黃霧匹馬如烟向北去

萬長公所居

溪上芙蓉照板扉澄流激瀨濺荷衣鷓鴣得食排
沙睡翡翠銜魚掠水飛樵唱不知人在谷漁歌真
令客忘歸山中明媚看如此忍別波光趁落暉

題鍾馗像

何必凌烟閣神傳即丈夫一與匡濟願生死在征途萬鬼降孤劍荒梅拂凍鬚風衣與雪帽蹇衛未停驅

過舒子山山庄賦別

為愛騷人靜可羣簷暉涵碧漾苔紋遙同側帽吟移影近佐支鐺煮沸雲山鬼聽琴篁際伏林猿擲果夜深聞奇峰香藹平分取留得秋光讓與君

別舒季颺

襍被入千山相逢淺草間立談移扇影歸款累盤餐慚到鶯歌歇愁衝鴈字還纖絺牽別袖珍重泪

痕斑

舒子山枉詩留別賦答

連訝燈花爆徹明真來雲際鳳簫聲石尤吹墮相思字木偶猶知戀別情秋老卻愁紈扇淡寒催實歎藁砧橫得邀佳句霑題目已在三唐列姓名

管生山中寄編鮓至

恨別槎頭縮項賒藻牋諧夢應蘆花麩生風味兼鹽法漁父因緣半酒家初恐截鱗傷尺素忽疑舉網映朝霞知君嫌我鄉思酷糝住吟喉似釣車

晚過舒冲宇老人值其方簡親戚求魚酌我

澗道穿藤葉籬門傍豈花客來驚卧犬日落動歸
鴉候網煩修札誇泉與試茶杖藜扶病送已愧擾

烟霞翁堂額曰烟霞僻處

冲宇老人山堂宴集終前約也同鄭延祖小

韓舒石鐘暨景兒是日微炎當秋前之二日

松陰垂袂髮氄氄修約何勞候水南笑豈細君分
社肉熙如禊節會春衫烹魚應兆歸音好添酌知
祈旅睡酣織月易斜山徑仄且留餘量待雙柑

農家王孫有耕於此者

一從夜半昧藏舟天漢分投萬壑流泥脛可憐荆

玉色牧吹猶帶洞簫愁板扉鳥啄炊殘麥藜徑賓
來典敝裘莫悵立苗非故業豳風圖畫未曾收

述征

斜日敲門似夢中情親悲喜歎生逢鬚眉猶昔膚
同黯酒燭相鮮暈始紅末劫那知人命脆初筵未
覺客星蒙簷花錯報連朝彩剪韭炊梁落曉風

孤寄由來事渺茫主人捐館益蒼涼仰天獨自齊
三籟避席誰先饋五漿筍蕨勝于魚鱠美楊梅欲
鬪荔枝妝最憐隣舍能相慰間復招携入醉鄉近

多楊梅而村澗無魚春夏之間隣人餽問甚勤

漸熟鄉村住漸頑市橋齊笑寓公慳泥中瑣尾年
餘路江上羈心日暮山鳥喚提壺因故醉犬伺拭
案動虛還花溪錦里非桑梓况復窮愁只掩關
敝緼陪殘辟汗簪新絺纒紉又聞砧家綠虧復隨
天意生事參差攪客心東道萑苻猶小梗西堂蟋
蟀已哀吟蕭然阻絕逢搖落一話尊鱸萬感侵
坐老烟嵐百五天颺蓬寄食已踰年旅懷誰授寬
心藥歸計惟營窄口船錦字望穿飛鳥外空囊欲
擲釣魚邊亂離到處難為別不信言還倍黯然

酬舒子山

久分歸家賣薄田釣竿詩酒任餘年故鄉水味今
何似漫憶中秋跳白船

入齊源

戊子冬避兵
凡再過此

岐路會樵徑人家面徑旁橋迴俄入谷天豁別爲
鄉野碓充隣舍秋苗間芋秧向來愁恍惚但記石
蒼蒼

齊源水碓詩

洞霞誰縷向僊囊龍樹惟傳百和方燧斧一侵招
隱徑策筇孤負踏春觴楮殘邃壑疑秦尉收盡空
煙豈梵王頗怪茂陵騷思淺遺書猶自導焚香

齊源秋感雜詩

雜詩者不一之詞也春女思秋士悲性情之自然而况余

乎意有所觸語言不倫或分章吟歎或一篇數事或一端累韻愁極而恍惚無緒命之曰

雜詩

云爾

百年無分共淒涼夏夜冬宵總日長
夢映蟾蜍橫寶瑟愁聽絡緯切
銀牀曉風原燒迷衫影露氣庭
蕪覺佩香亂後無家歸未得
可憐疑冢負鴛鴦烟外東山遠
近峰可能叢灌似前濃龍蛇字漫
三年火翁仲袍明幾夕烽華表鶴
歸驚不淺春陰雷動護何從歲時
報答惟涓滴令節頻傷客裏逢
忽憶江湖八月生西風釣艇亂雲
橫相將鴈序依

沙坐次第漁歌喚酒傾楓葉只今
迎客淚棣華何日聚宗英存亡流
落殊消息望斷東峰歎徹明鐘鼎
分張固有期干戈阻散倍堪悲名
花擇勝招邀日雜綵承筐慶問時
死別何方零絮酒生存若會抵連
枝薦蘿松栢迷形影空谷停雲費
我思莫誇紅葉照嶙峋青女方來
灑掃新鷓鴣不知芳草暮蟪蛄猶
道舊山春四時變化寧同令一代
風雲各有人晚雪更嚴儔更寡好
儲瓶甕聚情親殘髻誰能正鷓冠
荒垣瘦影日盤桓一杯間遇由天
幸三尺猶眠託地安祇是霑襟綠
世界何曾拭

梅溪詩金 卷一
袂爲饑寒曲終哀怨應尋慰看徹昭回更考槃

燕子至有感

客裏春來不覺春花時閉戶鳥窺人西飛應覓江
頭侶側望疑思谷口隣大厦未成栖漫草一枝暫
借語何頻風林日夜多開落且逐颺紅戲水濱

獨遊二首

經旬烟雨閉松蘿行散晴村隻影過仄徑不嫌新
草墊平林特羨故巢多看雲誤踏塍間水尋瀑難
詳嶺外歌側葉欹花狼藉甚好風隨路颺微哦
遲日綠山步亦遲出門隣叟問何之煙生劇想揉

茶甲店熟無煩望酒旗逕轉綠陰藏復澗橋迴紅
閃映孤祠知過寒食非看曆認得前村柳拘枝

過歐氏妹宅感悼被掠亡甥因呈雷生妹丈
荒荒殘日下平墟雀噪喧迎客姓徐戰哭屢訛同
谷泪生還絕勝大雷書斷雲枉使枯眸眚芳饌潛
悲剩齒疎阿舅颺零何足似只憐送別少牽裾

陳次生一之兄弟見示新詩喜其遲學頓佳
鸞笙天縱自韶齡龍劍光韜晚發矧愧我童烏隨
牧唱羨君賓燕出侯鯖秋風歌辯開漁父春草池
塘帶客星莫遣流入孤對月新翻水調不堪聽

陳次生招飲

飲君歲酒已三回
荒逕何時歸去來
莫道閨餘催鬢緩
且憑春宴放眉開
雲山北戶通仙氣
冰雪東軒養賦才
今日主人情款甚
煖香蒸動萬峰梅

答孫仲修見訊諸宗人

吾宗已共市朝墟
梗散蓬飛分索居
問我別來無恙否
與君同是再生餘
中原萬里家何在
幽谷三年鬼不如
目極秋空稀片羽
勞勞血泪滲緘書

初夏苦雨毛浚明潛夫置酒寓樓

棟實墮已盡餘寒
猶未休君能念風
雨對酒此南樓
樓萬壑濤聲集遠
見練光浮奔馳羣
赴海或落潭與湫
客行會有極我寓
日夜流常恐半天
泉永爲溪澗漚方
寸能幾許容此無
涯愁

羣峰如主人日對
樓中客客寓復幾
時又見荒草碧嵯
峨好髻鬟倚天蒼
翠滴當其雲雷蒸
纓帶迷咫尺豈不
愛奇觀孤懷難達
夕我心如青山欲
雨便頭白一觴可
晤言所以資酒德

丹陵觀有引

寓東不數百步爲
丹陵觀址村巫家
其西偏觀有田及
山並南唐齊王李
景遠所施

齊源之爲齊以此也朝代漸更林莊漫滅
齊王像亦移入旁小庵矣惜其無文采賓
客故編史靡得而詳作丹陵觀詩用表源
之所由名焉

觀廢巫仍宅黃冠似肯堂谷雲虛象袞澗水尚如
簧比屋通雞犬單籬狎虎狼淮王有鴻烈應不忘

去聲南唐

雕墁支漿磴霞圭寄梵宮漫疑苔蘚碧還與畫圖
空稻熟非蘋藻松高自雨風應劉誰載筆一字義
冥濛

蕉菴

密竹延遙望隨山到石隅村烟圍佛火野水入齋
厨壁韻訛相襲壇官氣不龕洞門堆綠雪軟厚愜
跏趺

閉門

閉門秋葉裏敝葛日西風月浸一庭白霜添萬杪
紅薄寒欺早醒零落費春工列岫墻頭滿支頤獨
望東

隨步

隨步穿籬落微涼雨後天溪山分鴈影雲霧合人

烟倚樹衣沾葉過橋杖試泉最憐沙徑軟風袖緩
翩翩

同諸子還小憩蕉菴

碧藏門逕窳一到一脩然烟暎纔生曙風搖亦有
天燒松敲石火引竹溜谿泉蕉夢誰先覺譚宗舉
衆玄

吉水李文孫見訪

何期窮谷住仍致異方賓尊酒三都話孤檠九徙
身有懷羞杖杜無分想麒麟歸去商歌穩家聲各
自珍

初夏

不復論時節閒中候自明棟花風送袷瓜蔓水通
耕軟草成趺坐微泥得緩行綠陰如夢裏喚醒有
嘒鶯

行蔬

幾日荒猶積今來望似煙夕陽頽莧陸曉露白瓜
田俯仰欣成就分移就節宣廣川何自苦鍵戶動
三年

胡悅之寄詩未報作此奉酬

即用悅之起句
晴軒明月夜得

讀故人
詩爲結

梅溪詩集 卷一
累韻行行寄三年忽忽移報章艱織女嘉會爽秋
期話昔傷心曲因風念鬢絲晴軒明月夜好讀此
來詩

雨過示呂山人

歸雲輕冉冉樹石漸分明山盡如朝沐天將試晚
晴籬疎通野氣院靜集溪聲茲畫誰堪贈佳哉細
與評

次韻答雪崖見留

斗米止觀用杜工部贈李
秘書詩語是日同參麻三

觴案故
及之

徒步歸與那用鞭巖頭不散鳥巢烟觴麻幾許行

吟勘斗米難為止觀牽路入夕陽家夢近霞明晨
壁客牋懸支公莫漫羈神駿看取凌風過鶴前

重九到妾父楊翁宅

弱息離親已換朝亂餘長是夢嗁嬌多時忘卻門
前路只記雙楓夾板橋

問到迴塘綠樹灣公然屋角帶西山柴門犬吠傳
名姓驚得翁媪笑滿顏

雇值隨儂自遣車慢將雞黍惱翁家重陽且喜添
歡酒任插茱萸和菊花

刺促門東語不休隣家油髻滿墻頭多應浪擬夫

君偉那識蕭然髻也秋

江上雜詩

戊子亂後還歸江上據所見聞感而賦此

高田成阜下成塘百道濠溝百尺長遺老正商埋
齒費一枝籤喚五年糧

冒虎凌霜百里來危橋重擔滑于苔五更偷渡城
邊賣又被兵邀赤手迴

南風天換北風天尾颭紅旗盡客船聲勢自然雄
一倍夜沽不使帶來錢

三家茅屋便稱村曉汲晡餐共瓦盆乞火窘遭風
雨日忍饑相向到黃昏

謝香城慧公寄還所收舊作

海會空門幾獨醒感師頭白眼終青誰於岸谷滄
桑後猶爲遺儒護六經

題劉松年九嶷圖

層雲無盡碧參差斷瀑疎嵐總費思十二巫峰渾
夢裏可堪九處更添疑

書桃源圖

落英芳草閉桑麻客到驚聞世代賒津路早知紅
樹引秦人應悔種桃花

新年

曙色平開萬嶺齊無雲歡幸慰周黎立春值望良
 宜免逢霽將今試卜雞地母占中賒作記山翁晡
 後任如泥柳條特妮寒暄甚累日晞陽未放梯
 颺泊迷歸向百旬謀生忽忽忘初辰徒聞舊曆推
 雙臘誰識連年互兩春日月合離空老我歲時拜
 舞只隨人出門未諗何方利南北東西問鶴神
 四隣相慶已紛然入坐猶咨歲與田自有羲和能
 馭日吾非瞽史敢譚天疑年但試徵添線考朔惟
 需驗上弦卻憶長安朝賀散綵毬花爆錦鞦韆
 懷章凌九寄之

當時同社人英俊真無數隨資各分曹儼亦有門

戶形迹外若殊相忘實情愔劉李恣恢奇士雲平叔章

黎起高步凌九左嚴熊陳追古音伯甘士業溥也蹇獨寤和

者各百千宮商不回互譬如鼓七絃要之成一曲

同聲傾四遐贊問通滇蜀或自遠遊還輒言人欽

矚語必問威儀詳乃及被服顧皆澹蕩流阿誰治

邊幅容止與性情惟子兼如玉山縣昨晝卧夢子

形巉巖已丑夏靖安客舍夢凌九夢中謂應爾亂離自摧殘我

髻亦垂白子焉不能斑久之東踰嶺忽忽遇城南

昨夢乃不驗依然宿昔顏自少學養生疑君得九

還每念綽約姿令我麤氣刪忽憶興福莊踏雪驅
五驢高歌八松林下驚沈水魚君容固猶昔健否
今何如

山中寄懷石莊博菴

老得山居足自由晴牕飯罷未梳頭燕窺簾捲銜
泥返書被風掀帶葉收覺倦課奴尋藥種乘酣信
步似春遊惟嫌離索違同調每一花開憶獻酬

留別香城哲公學公二上人

狂生可是老僧身闌入千峰作主人趁暝屢攬燈
後飲偷酣浪度佛前春山花開盡輕歸路田穀成

時再卜隣借問莫嫌煩數否沾師微笑受師頌

寄匡雲拙生瑞芝堅忍四上人

緣在淹留得未曾西風到處有枯藤雨花莫怪霑
摩詰灘漲原來爲老能多寶尚思香際宿高壇好
共月中登孤舟漫道無拘繫不讓閒雲也讓僧

酬談長益見訪因寄虞山先生

病後猶餘亂後身誰穿雲壑問遺民一間茅屋存
唐宋對著荷衣話漢秦自把犁來稀過從重提書
起倍精神丹陽路去虞山幾煩道窮經志未伸

三月三日同謝聖虞踐訪拙公之約是日并

爲公定菴名

久淹冰雪閉游函直到花時禮燕龕春草屐憑康
樂引暮雲心向惠休參難逢上巳重三會新得嘉
名百一菴歸路催詩煙柳潤仙壇斜雨共氤氳

葛仙壇訪見明尊宿

幽居幾歲狎偷安特爲孤峰上葛壇一卧烟蘿忘
入徑長看雲石對凭欄崖經野燒松鱗古澗挾餘
冰竹影寒最愛相逢無佛語成蹊共在不言端

拙公袖詩見訪即爲評次翌日欲徃值雨答
寄

小晴便訝款柴扉帶笑開門把衲衣悟後僧詩宜
夜讀硯旁孤酌歎春歸深詮磁品人俱古痛闢丹
方論入微花徑可能容數過嘒鳩不住與心違

記坐
間語

雨後小晴即涉江訪程士哲并寄伯璣元水
一春扶杖怯平蕪五月披裘問友于雲樹斐王如
昨日濠梁莊惠有新圖風吹衣袂僊僊舉晴覺山
川處處殊可惜劍江橋堦客天涯明月汝徧孤

獨上滕王閣

獨自登高睠故都周迴殘錦半模糊新題欲賽蛟

龍字舊蹟疑翻蛟蝶圖蘇圃只今烟蔓草徐亭誰
昔雨生芻由來名勝兼資福得似君王此閣無
景兒見余作滕閣詩亦學題句漫成示之
五字城高豎萬旗兔兒撩虎敢登陴自從摩壘思
侯印花下慙同小妹嬉

贈朱子莊

朱生礪錯刀欲繙蚪斗經遂使春池上蛙黽不敢
鳴釋刀復捉筆倏忽萬山青竹雨灑苔石霏微更
宵冥多藝誰使然紺珠似曾纓市人愛樂易言笑
日相并有時嘯歌發絲竹滿谷坑誰知滌硯際羲
獻又退聽

送李文孫歸漢陽

我本江干人今作城中客乍來苦塵驅頗玷幽栖
迹斗酒闕平生燈月負良夕旅宴添窮羞僭坐悲
老逼如何又送君草草臨秋色久自素心交况是
文章伯後會如何期多分頭盡白若復十九年更
恐殊今昔歸帆指漢雲驪歌滿宗國南浦送別地
由來詩酒陌所以不栽楊爲有離愁積

春暮醉起遣懷

薄寒孤館閉空簾酒後春愁一倍添往事不堪重

記省斷腸斜日射書籤

爲怯傷春索酒頻枕間殘夢半疑真徘徊誤入香
陰裏又值驚心花近人

自郡還山中途寄謝士哲并期元水

憶霑芳醕即怡神因夢還溪把釣綸波似眼青真
盼我山如眉黛遠撩人吹愁祇覺淒風爽閱市彌
看野草親驚座好留詩畫客榻招徐孺尚須陳

壽張逍遙

有引

逍遙北人也養真烏晶自乙亥年到影不
出山結茅疊石種樹刈草皆手自經營無

毫髮干求于人而亦未嘗缺乏旣名動遠
近曾無忝容不矜貴游不談外事視言黃
白吐納者天淵矣可謂澹泊堅忍君子人
也甲午六旬詩以壽之

名在南華第一篇誰將甲子問胎僊自披茅屋餐
靈藥不出幽巖已廿年

過香城關山峽有感

躡壁穿林再四邀隨羣策杖赴茶招參差曲徑時
藏客隱見斜陽已下樵苔滑怕歸歸去路雨催喜
到到來橋幾年不踏關山月歎息人間又市朝

癸巳於拙公庵見章仲達老人詩喜其輕秀
屬拙公覓致今三年矣初春始同元水諸君
過訪且示其集念之作此爲寄

憶從遊覽得新知野鶴孤雲不可期僧壁幾行烟
抹字酒村隨路雨催詩青山動惹無家淚黃絹誰
傳幼婦辭憐爾似蠶空作繭綉腸盤盡爲人絲

劉使君見訪

曲巷斜垣瘦樹隈經春戶限徧莓苔不知徑外花
飛盡何意林中客到來欲掩飼雞驚反走遠呼樵
僕久方回使君良苦緣巖路贏得煨蹤水一杯

初秋江上聞笛有懷同社諸子

似在天涯似比鄰若爲縹緲訴情親西風一夜江
湖白處處蘋花惱殺人

羅飯牛携畫至山中

又隨飛葉下江烟與鴈同來先鴈旋記得扁舟初
過我草堂門外水齊天

彩筆長懸夢裏思十年古道見鬚眉雲山本自無
常主更寫雲山賣與誰

蕉洞途逢賈山玄陳伯揆知曹履受携詩來
訪不遇

蕭然薜荔阻巖阿閉戶經旬積葉多
甍徑未爲君卻掃鳳題還許客重過

薄醉階頭貰酒錢晚風把袂話當年
空山時有烟波夢憶共湖牕看釣船

夜醉過芳樹齋遇舒芑孫話別兼訊沈崑銅
離緒當筵各盡觴春歸蕪渚日初長
滿園蝶粉辭紅蘂無數蟬聲到綠楊
霞散津亭昏類曉風飛驛岸草爲香
湖邊自理殘絲曲榆莢相催憶沈郎

寄東林主人

有引

昔大柳僧募造無梁殿于東林天啟丙寅

乞先司空爲作寺碑戊寅余從楚還過寺
尋碑禮象象容大畧亦倣靈谷晤其弟子
覺圓子貞今廿年矣

晉去東林在東林更幾朝眞儀靈谷士
殿式虎谿橋官路傳薪火山門閱海潮
尋碑如宿昔未覺廿年遙

朱玄暉祖虞寓南鄰

亦有鶉衣客同村能數過入林先我以採蕨認山
多破屋交霜雪空牀罷綺羅闔門資織屨俯仰近
如何

還自山中林寧劉越石來訪投贈秋色縑畫
即題送別

行野冬將半言秋益黯然衡門依絳葉曲路上青
天一水明無際羣峰靜可憐送君如畫裏添卻渡
頭船

伏暑印可開士見訪敲詩因詢廬山諸公起

居

長晝柴荆夢亦長白雲靜掩到羲皇遇綠送客逢
新客卻似遊方抵上方巷轉石橋分樹影詩過衲
袖帶茶香匡彭蓮社須消息又得因公話幾行

復次印可來韻奉酬

亂後青山是我師古松怪石間相知幾天佛火隨
行李特地人烟暗路歧投老愧存名姓在爲儒偏
惹苾芻思葛芳字綠藤榮潤早現廬峰寫照詩

書示拙公法嗣休公

因叅半偈入空門風雨連床聽梵音卧起不知庭
葉換經行始覺院苔深法王已示調獅力游子仍
縈繫鴈心江月嶺雲今會合毫端佇現十方琛

俳體寄棲賢

碧蘿空返負春籃黃葉憑教趁夏叅烟雨樓臺四

百八香華世界大千三已能箇裏藏天下更欲于
何覓嶺南收拾灘頭新漲了請來任作幾肩擔

哭內四首

三年重哭大江濱刺得無家九死身負汝豈惟湯
藥慢尋踪祇覺土花親當時同穴成虛誓向後孤
唵斷幾春每見隣孀能主祭卻悲吾是未亡人
自筭年纔四十強髮絲早讓淚絲長靈萱半路拋
家政樛木餘恩丐國香癡望長男雙負土痛看幼
子獨拈觴可堪生小朱門質不及纍纍有道旁
歸寧輕送出都門臨別何曾有片言黃絹碑應標

海國白幃權枉返江村只愁瘴癘能銷骨誰識松
楸誤禮魂早是楚些南倡穩何如淺土待兒孫
莫憚佳城與菟裘歲時滴酒轉添愁崑崙從此橫
方寸瀛海焉能匝九州荒草白楊空處處黃泉碧
落永悠悠如何牛女年年會猶向天河淚不休

送萬思尹遊匡山

煙汀頻送木蘭舟驚鴈初來客屢遊紅葉寺中僧
飯晚黃花卮畔客吟秋千年蓮漏歸三疊五老芙
蓉照十洲司馬琵琶楓荻後如今兄去續風流

岫佳樓詩

有引

補遺詩金 卷一
縣南覓宿得舒子山園林登樓見榜書乃
署余名書體亦似我憶遊白下楚東見人
家扁署用余名者多矣因作詩以實其事
題岫佳樓者蓋取謝玄暉牕中橫列岫兼
淵明山氣日夕佳之句樓下溪塍並余初
至時問路處也吟次惘然并寄子山
問津憶向此淹留名字誰知在上頭疎柳來時纔
作綫斷橋坐處半藏舟身投異縣孤于葉路入斜
陽淡似秋容易經春悲旅迹岫佳卻是仲宣樓

田翁

兒孫日以長差可慰勞劬耒耜雖云舍見草還荷
鋤抱甕因濯足時還灌園蔬啟欄伺牛歸持竿驅
禽去所曝在中場坐視防雞鶩有時向前村倚杖
獨偃僂日晏緩歸來雞鳴前村樹
積草高如亭曝背衣多竇短褐雖不完風日笑兩
受美暄被我肩野風常及肘鄰童閑依坐芋栗慣
在手挽鬚問無次不答亦無咎妻兒呼歸舖鞠躬
起還嗽

送子岸參學

得句同吟倚樹藤詩僧應歎是禪僧青山明月家

家有莫向人前乞五燈

是日拈青字日且向中凡三晴三雨

嬌紅底似曉雲青晦朔曾傳海角經欲問支機消

息秘眼中晴雨滿虛亭五月朔日也凡美人珠玉寶劍之氣皆為青虹隱者

之氣則為青雲

看晚獲值守齋上人經過卻寄香城諸師

又逢秋熟客愁增為羨高空萬念冰三十九峰霜

月滿閉門便是六朝僧

七夕

零亂蛛絲雜綵絲河梁分手又前期半宵難盡經

年話誰暇人間教女兒

秋早即事

曉寒宿酒醒來時梳罷猶看月滿墀掃地只除松

影外橙皮蟹殼菊花枝

睡起

睡起花間鳥亂聲幾時草踏與泥行春來沾得些

兒露便向枝頭學鳳鳴

集葛

共擷烟蘿入翠微濕蓑猶帶嶺雲歸夜闌姑婦挑

燈語再續三檠合上機

從軍行

軍中無所樂強學彈琵琶一彈再三歎慷慨卧黃
沙明月照荒磧霜落人夢家夢見入中閨機杼亦
怨嗟羈魂語樓頭因風墜天涯傷哉誰能續長城
有亂麻
故園黃葉落風吹卻出關在此不知歲又見征鴈
還颺葉與驚沙相將入雲端摩娑大刀頭哀歎已
無環

俞溪詩鈔卷下終



